


通鑑直解

廿四

漢書門		八	七	六	五
類		一	一	一	一
架		六	二	六	五

內閣文庫		漢	書
函	冊	八	七
一	一	一	一
八	六	五	五
架	冊	號	類

內閣文庫	
番號	漢 8775
冊數	16 ( 14 )
函號	284 67





通鑑直解卷之二十四

紀

淺草文庫

唐之後為五代。曰梁。唐。晉。漢。周。遞興遞亡。總不過五十餘年。當是時。干戈日尋。海內分裂。稱帝建國者。十有餘姓。而皆竊據僭號。非天命真主。至宋太祖。始統一之。太祖在周時。領歸德軍。起於宋地。遂以宋為有天下之號。這書記宋家一代的。事故稱宋紀。

太祖皇帝

姓趙氏。名匡胤。涿郡人。生於洛陽之夾馬營。有紫雲黑龍之瑞。周世宗時。為殿前都點檢。屢立大功。人心歸服。及恭帝嗣位。為眾軍所擁立。遂受周禪。而有天下。在位十七年。廟號

通鑑直解卷之二十四

宋太祖

一

太祖

二月尊母南郡夫人杜氏為皇太后。后定州安喜人。治家嚴而有法。生五子。曰匡濟。匡胤。光義。光美。匡贊。匡濟。匡贊早卒。陳橋之變。先遣楚昭輔入汴。慰安家人。后聞之。曰。吾兒素有大志。今果然矣。及尊為皇太后。太祖拜於殿上。群臣稱賀。后愀然不樂。左右進曰。臣聞母以子貴。今子為天子。胡為不樂。后曰。吾聞為君難。天子置身

吾兒素有  
大志

兆庶之上。若治得其道。則此位可尊。苟或失馭。求為匹夫不可得。是吾所以憂也。太祖再拜曰。謹受教。

定州。即今真定府所屬定州。安喜。是縣名。即定州地方。陳橋。是驛名。汴。是宋建都之地。即今開封府。宋史記建隆元年二月。太祖既立太廟。追崇祖考。即尊奉其母南郡夫人杜氏為皇太后。史臣因叙說。太后乃定州安喜縣人。有賢德。治家嚴正。事事都有家法。生五子。長曰匡濟。次匡胤。即太祖。次光義。即太宗。次光美。次匡贊。匡濟。匡贊早卒。太祖為都點檢時。領兵出禦漢寇。行至陳橋驛。諸將士逼立太祖為天子。把黃袍加在身上。太祖不得已。

而從之。那時家眷都在汴梁。太祖先遣麾下楚昭輔入汴。慰安家人。母后聞之。說道。吾兒見天下久亂。素有濟世安民的大志。今果爲天子。不負其志矣。及是尊爲皇太后。太祖拜於殿上。群臣稱賀。滿朝無不欣躍。太后獨愀然不樂。憂形於色。左右因進說。臣聞母以子貴。今子做了天子。尊爲太后。似這等極貴。何故反有不樂。太后答說。吾聞之古語。爲君的最難。蓋天子以一身處于四海兆民之上。任大責重。若兢兢業業。治之得其道。則兆民允懷。此位可以久居。纔是尊貴。苟少有忽略。失所以制馭之道。則民心離散。爭奪並起。求爲匹夫而不可得矣。何尊之有此。吾所以憂之也。太祖聞其言。深有微悟。乃再拜說。謹受母后之教。夫人君受命而興。以弘太平之業。必有賢臣篤生而訓迪之。太后受冊之日。不以

得位爲樂。而深以失馭爲憂。丁寧剴切。有古  
敵戒之風焉。可不謂賢哉。所以成太祖之仁  
明。而培宋家之元氣  
者。其本原深遠矣。

以竇儀爲翰林學士。先是翰林學士王著以酒  
失貶官。太祖謂宰相曰。深嚴之地。當使宿儒處  
之。范質等對曰。竇儀清介重厚。然已自翰林遷  
端明矣。太祖曰。非斯人不可。即日復入翰林。嘗  
召儀草制。至苑門。儀見太祖岸幘跣足而坐。因  
却立不肯進。太祖遽索冠帶而後召入。儀遂言

翰林當  
以宿儒  
處之  
竇儀清  
介重厚

却立不  
肯進

曰陛下創業垂統宜以禮示天下恐豪傑聞而解體也太祖歛容謝之由是對近臣未嘗不束帶。

端明是殿名。宋有端明殿學士官備顧問預議論。班在翰林學士上。挺冠露額。呼做岸幘。太祖用竇儀為翰林院學士。先是翰林學士王著以醉酒亂性。致有過失。貶為北都員外郎。太祖與宰相范質等說翰林學士職掌制誥。宿直禁中。禁中是深邃嚴密之地。不宜濫用。序溥少年。當選老成的儒者處之。范質等對說。原任學士竇儀清修廉介。持重敦厚。最為稱職。但其資望既深。已從翰林陞端明殿學士了。今若復用為翰林學士。恰似降下他

官帶一般。太祖說翰林職任清要。非此人不可。當日命下。還入翰林。雖若落其端明實則加以寵任也。一日太祖要降制書。召儀起草。儀到內苑門邊。看見太祖挺冠露額。跣足而坐。因退立不肯進去。太祖知其意。就便計索冠帶。整理威儀。而後召入。竇儀因奏說陛下新得天下。創業垂統。乃後嗣之所取法。四方之所瞻仰。必須動遵禮法。以示天下。若或輕褻威儀。侮慢賢士。臣恐蒙樂聞之。以為陛下不能尊德樂道。不足與有為。將解體而散去也。太祖深納其言。肅然歛容謝之。自此之後。雖對近襲之臣。未嘗不矜莊束帶焉。故有宋一代之君。待士大夫。最

有禮。皆太祖之家法也。

太祖又嘗以幽燕地圖示普。問進取之策。普曰。

趙普可謂深慮矣

補綴去牘

圖必出曹翰。太祖曰：然。因曰：翰可取否？普曰：翰可取，孰可守？太祖曰：以翰守之。普曰：翰死，孰可代？太祖默然良久，曰：卿可謂深慮矣。普嘗薦某人為某官，太祖不許。明日，普復奏其人，亦不許。明日，普又以其人奏，太祖大怒，裂碎奏牘，擲地。普顏色不變，跪而拾之，以歸。他日，補綴舊牘，復奏如初。太祖乃悟，卒用其人。

幽燕即今順天府地方，太祖即位之時，幽燕之地尚屬北虜契丹。太祖急欲取之，一日普

以幽燕地圖示宰相趙普，計議進兵的方略。普以幽燕之地久為契丹所據，彼國無釁，恐攻之未必能取，就使取得，未必能守。而蔡州團練使曹翰往往喜立功名，疑其希旨為之。乃先問說：這地圖必出于曹翰之手。太祖說果然。因問說：朕今就用曹翰為將，卿料他取得幽燕否？普對說：論翰才力，或亦可取，但此地取之固難，守之尤難。不知既取之後，誰可守之？太祖說：就着曹翰守之。普對說：假如翰死，誰可替他？太祖默然無言，思之良久，乃悟說：卿為國忠謀，可謂憂深慮遠矣。普曾在太祖前薦舉某人為某官，太祖不許。明日，普復奏其人，太祖亦不許。明日，普又以其人奏，太祖見其違旨，奏擾大怒，把奏本扯碎，棄擲在地。普顏色不變，跪於地下，將碎紙拾起，懷之以歸。他日也不再寫，只將舊本補綴，復奏如

初太祖始知普為國薦賢。非有私意。卒用其人焉。大抵忠臣事君。惟論事之可否。而不敢阿。肯取容。以負委托。趙普之於太祖。於其所欲取者。則力阻之。而不以為抗。於其所不欲用者。則力薦之。而不以為嫌。可謂忠於謀國矣。而太祖皆能從之。君臣之際。相得益章。所以開一代之太平者。豈偶然哉。

又有群臣當遷官。太祖素惡其人。不與。普堅以為請。太祖怒曰。朕固不為遷。卿若之。何。普曰。刑以懲惡。賞以酬功。古今通道也。且刑賞天下之刑賞。陛下豈得以喜怒專之。太祖怒甚。起。普亦

刑賞天下之刑

隨之。太祖入宮。普立宮門。久之不去。竟得俞允。其剛毅果斷。類如此。然從太祖久。得志。屢以微時所不足於太祖及已者為言。太祖曰。若塵埃中。可識天子宰相。則人皆物色之矣。自是不復敢言。

趙普  
毅果斷  
塵埃中  
識天子  
宰相

宋史又叙趙普事說。趙普為宰相時。有羣臣資望相應。合該陞官。太祖素不喜此人。不准。推陞。普再三執奏說。其人可用。太祖大怒說。道。朕決定不用此人。卿將我如之。何。普又奏說。刑罰所以懲惡。爵賞所以勸功。此乃古今之常道。不易之定理也。此人有功。豈可不與。

陞賞。且刑賞乃天下之刑賞。非一人之刑賞也。天下以為當刑。雖天子不得以私喜而廢法。天下以為當賞。雖天子不得以私怒而靳恩。陛下豈得以私喜私怒。專制刑賞之柄。不顧天下之公議乎。太祖見趙普不依順他。越發惱怒。不顧而起。趙普也不退。徑跟隨着行。太祖入官。普立官門外。良久不去。竟得太祖感悟。准陞此官。其剛毅果斷。執法不撓。大率如此。然普從太祖起。側微以至宰相。為日最久。及既得志。屢以微時輕慢太祖。與自己的人。言之於上。意圖報復。舊怨。太祖說。凡人識見短淺。豈能逆觀未來。若使茫茫塵埃之中。可識某人他日當做天子。某人他日當做宰相。則人人皆將訪求物色。都去結納他了。夫英雄豪傑。處窮困之時。被人輕賤。亦理之常。無足怪者。區區舊怨。何足記乎。自此以後。趙

普悔悟。不敢復為報怨之言。大抵人心各有所蔽。亦各有所明。太祖不用素惡之人。趙普說。天下刑賞不可以喜怒專之。此真宰相之言。至于趙普不忘素怨之人。太祖也說塵埃中不可識天子宰相。亦是天子之量。君臣之間。各以所明。攻其所蔽。故能成一代之治。如此。

初全斌之伐蜀也。屬汴京大雪。太祖設氈帷于講武殿。衣紫貂裘帽。以視事。忽謂左右曰。我被服如此。體尚覺寒。念西征將士。衝冒霜雪。何以堪處。即解裘帽。遣中使馳賜全斌。仍諭諸將曰。

解裘帽  
賜全斌



不能徧及也。全斌拜賜感泣。故所向有功。

初太祖遣大將王全斌將兵伐蜀之時。會汴京大雪。寒甚。太祖設氈帷於講武殿。向著紫貂裘帽。出以視事。忽謂左右說。朕在氈帷裏。尚穿了這等溫暖的衣服。身上猶覺寒冷。我思那西征的將士。日夜在原野中。衝霜冒雪。不知何以堪處。卽解下所服裘帽。遣中使馳至蜀中。賜與全斌。仍慰諭衆將說。朝廷深知爾等寒苦。但裘帽有限。勢不能徧及也。全斌拜謝感激殊恩。至於泣下。諸將士亦人人思奮。願效死力。故所向輒有成功。出兵六十日。而兩川悉定。蜀主孟昶舉族來降。皆太祖有以勵之也。按此事。與古投醪挾纜事相類。昔楚人有獻酒醪於楚莊王者。莊王欲分給諸將士。以人衆不能徧。乃以酒傾在河裏。令諸

將士迎流而飲之。三軍皆醉。又楚師伐宋。值大氣甚寒。楚王念將士寒苦。以溫言拊卹之。一軍之士。人人感奮。暖如挾纜。繼一般。蓋將士身冒鋒鏑。自死一生。常患朝廷不能知之。朝廷一加存恤。則其氣自倍。而成功易矣。古之英君。所以鼓舞豪傑者。類如此。將將者所當法也。

太祖嘗見昶寶裝溺器。命撞碎之。曰。汝以七寶飾此。當以何器貯食。所爲如是不亡何待也。

溺器。是便溺的淨器。昶是蜀主孟昶。太祖平蜀之後。見孟昶一箇便溺的淨器。是七樣寶貝鑲嵌的。太祖大怒。就命打碎之。說道。器用貴賤。各有所宜。這溺器。是器之至穢至賤者。

汝乃以七寶裝飾。不知又用甚麼樣的器皿去盛貯飲食。似你這等暴殄天物。驕奢淫縱。不惟損一己之福。亦且盡百姓之財。如此而不滅亡。更待何時哉。此可見亡國之主。與興土之君。其奢儉迥別如此。大抵創業之君。生長民間。備嘗艱苦。故能節用愛民。垂法後世。亡國之君。沉溺富貴。不知小民疾苦。縱欲自恣。而邪佞之臣。又往往阿意逢迎。導之以奢侈淫佚之事。卒之樂極生悲。民窮財盡。或自促其壽命。或覆亡其國家。從古以來。興亡之迹。如出一轍。可不戒哉。

春正月。太祖自聞蜀兵亂。凡使者至。各令陳王全斌等不法事。遂盡得其狀。乃皆徵還。以其初

臺中唯  
圖書本  
案  
以善彬  
為宣徽  
南院使  
懲勸國  
之常典

立功不欲屬吏。但令中書問狀。全斌等具伏。贖貨殺降之罪。命責授全斌崇義節度留後。崔彥進昭化節度留後。王仁瞻為右衛大將軍。以劉光義、劉廷讓、廉謹並進爵秩。曹彬自蜀還。橐中唯圖書衣裳。又能戢下。秋毫無犯。太祖深嘉之。以為宣徽南院使。彬辭曰：征西將士俱得罪。臣何敢獨受賞。太祖曰：卿有茂功。又不矜伐。懲勸國之常典。又何辭焉。

宋時有宣徽院。設南北二院使。總領內諸司。及內侍之籍。蓋貴近之職也。初王全斌等平蜀之後。縱飲貪財。不恤軍士。蜀兵因而作亂。兩川之民爭應之。全斌又誘殺成都降兵三萬。衆心愈益憤怒。蜀地幾不可守。乾德五年春正月。太祖自聞蜀兵作亂。凡有公差從蜀中來的。都着他具狀陳奏。王全斌等不法的事情。於是盡得其罪狀。乃皆召還京師。念其初立大功。不欲付法。司究治。只教中書省宰相審問他事情的虛實。全斌等不能隱情。將貪黷財貨。殺戮已降的罪名。都招承了。太祖因他吐實認罪。又以其有大功。姑從輕處。降授全斌為崇義節度留後。副都部署。崔彥進為昭化節度留後。都監王仁德為右衛大將軍。於內有都部署劉光義。副都部署劉廷讓。這兩員將官。廉靖謹飭。乃並陞爵。秩以獎之。

又有都監曹彬。平素清介自持。諸將存蜀中。多取子女玉帛。彬自蜀還。橐中惟圖書衣服而已。且能禁戢部下。所過秋毫無犯。太祖深嘉歎之。陞為宣徽南院使。彬辭說。臣與諸將同功一體。今征西將士皆得罪左遷。臣何敢獨受上賞。太祖說。卿有平蜀大功。又不以此矜驕誇伐。與諸將貪肆的不同。一懲一勸。乃國家常典。何必以諸將之故而辭之。竟不許。其後曹彬卒。為名將。按征西將士。全斌為主帥。曹彬等副之。是全斌乃功首也。太祖於全斌。則貶降而不顧。於曹彬。則擢用而不疑。豈非以彬之廉謹。有恤民之惠。而全斌之功。不足以贖貪酷之罪哉。易經上說。問國承家。小人勿用。太祖得之矣。

春三月。徵處士王昭素為國子博士。昭素有學。

行著易論三十三篇學者多從之。太祖召見便殿年已七十餘矣。令講乾卦。至九五飛龍在天。則欽容對曰。此爻正當陛下今日之事。引援證據。因示風諫微旨。太祖大悅。問以治世養身之術。對曰。治世莫若愛民。養身莫若寡慾。太祖愛其言。書于屏几。

處士是隱居有道之士。太祖開寶三年春三月。徵聘河南處士王昭素為國子監博士。昭素為人。素有文學德行。精通易理。嘗撰著易經論說三十三篇。一時學者多師事之。太祖

聞其名。召見于便殿。此時昭素年已七十餘歲矣。太祖命他講解易經中乾卦。至第五爻辭。九五飛龍在天。九是陽數。五是君位。以九居五。是聖人為天子之象。就如龍稟純陽之氣。飛在天上。能興雲致雨。潤澤萬物一般。昭素講到此處。就欽容正色而奏說。此爻正當陛下今日為天子之事。乃援引古今之事。以為證據。因而寓諷諫的微意。以見天位至艱。君身至重。不可以不慎也。太祖大喜。就問他治天下與養身的道理。昭素對說。治世莫如保愛萬民。養身莫如寡省嗜慾。蓋民為邦本。治天下者。必輕徭薄賦。布德施惠。使百姓安樂。則邦本寧。而太平可保。故治世莫如愛民也。慾為身害。養身者。必愛養精神。凡一切傷生伐性之事。皆絕而不為。則身體康健。而壽命延長。故養身莫如寡慾也。太祖愛他這

言語切於實用。書寫在屏風及几案上。以時時警省焉。然寡慾愛民。固皆致治之要。而寡慾一言。又為愛民之本。蓋自古百姓不安。皆因人主多慾。人主多慾。則奸諛之徒。必巧為進奉。問閭之下。必困于誅求。虧損德業。無甚於此者。故寡慾一言。不但可以養身。亦愛民治國之要也。

永寧公主  
加翠羽

秋七月。永寧公主嘗衣貼繡鋪翠襦。入宮中。太祖謂曰。汝當以此與我。自今勿復為此飾。公主笑曰。此所用翠羽幾何。太祖曰。不然。主家服此。宮闈戚里必相效。京城翠羽價高。小民逐利。展

轉販易。傷生浸廣。實汝之由。汝生長富貴。當念惜福。豈可造此惡業之端。主慙謝。主因侍坐。與皇后同言曰。官家作天子日久。豈不能用黃金裝肩輿。乘以出入。太祖笑曰。我以四海之富。官殿悉以金銀為飾。力亦可辦。但念我為天下守財耳。豈可妄用古稱。以一人治天下。不以天下奉一人。苟以自奉養為意。使天下之人何仰哉。當勿復言。

襦。卽今之披氅。官家。是天子之稱。肩輿。是捧  
的小轎。開寶五年秋七月。太祖的女永寧公  
主。曾穿一領貼繡鋪翠的襦入宮中。太祖嫌  
其奢侈。向公主說。汝可解此襦與我。自今以  
後。再不要如此裝飾。公主笑說。此衣用得幾  
多翠羽。却以爲過費。太祖說。我之所惜者。不  
專爲這件衣服。主家旣穿此衣。宮中妃嬪。及  
皇親貴戚。每見了。必都相倣效。所用翠羽必  
多。京城翠羽之價。必貴。百姓每逐利。見此  
物。可以取利。必然都去捕捉。那翠鳥。展轉販  
賣。傷生害命。從此漸廣。皆汝此衣。有以致之。  
主罪過多矣。汝生長富貴。不知艱苦。當思人  
生福分有限。不可用盡。愛惜樽節。長得受用。  
豈宜造此惡業之端。自損己福耶。公主乃惶  
恐謝罪。又一日。公主侍坐於太祖之側。與皇  
后同勸太祖說。官家做天子日久。便受用此

此不爲過。豈不能用黃金裝飾肩輿。乘以出  
入乎。太祖笑說。我爲天子。富有四海之內。莫  
說肩輿。就將宮殿。都以金銀爲飾。力亦可辦。  
但思這財物。乃是天下萬民的膏血。我爲天  
下主。不過爲天下守此財物。以備緩急耳。豈  
可將來自己妄費。不顧天下利害乎。古人有  
言。人君置身兆庶之上。當以一人之勤儉。拊  
治天下。不當以天下之財力。供奉一人。苟專  
以自家奉養爲意。則窮奢極欲。無所不至。民  
力必然耗竭。帑藏必然空虛。一旦天災流行。  
民窮盜起。天下何所仰賴哉。此我所以不敢  
恣意妄費也。汝等當識此意。不可再以爲言。  
夫宮闈之好尚。係四方之觀法。服飾無度。則  
天下化之。漸以成風。撲散實濟。民窮財盡。皆  
由於此。其害不止於傷生折福而已。太祖身  
歷艱難。不敢以一身之奉。竭天下之財。故其

訓戒於家庭者。最為激切。創業之君。其用心類如此。守成者所當時時警省也。

九月命曹彬帥師伐唐。初帝屢遣使喻江南國主入朝。不至。乃命曹彬為西南路行營都部署。潘美為都監。曹翰為先鋒都指揮使。將兵十萬以伐之。將行。帝戒彬曰。江南之事。一以委卿。切勿暴掠生民。務廣威信。使自歸順。不須急擊也。又曰。城陷之日。慎無殺戮。設若困鬪。則李煜一門不可加害。且以劍授彬曰。副將而下。不用命。

江南一以委卿

李煜一門不可

曹彬仁厚

者斬之。潘美等皆失色。自王全斌平蜀。多殺人。上每恨之。彬性仁厚。故專任焉。

唐是南唐。五代之亂。有李昇者。據有江南地方。自稱為南唐。傳子及孫。李煜。國勢日削。號為江南國王。開寶七年九月。太祖命曹彬統領兵馬以伐南唐。先是江南國主李煜稟奉宋朝正朔。太祖累次差人喻意。徵他入朝。李煜拒命不至。太祖大怒。乃命曹彬為西南路行營都部署。潘美為都監。曹翰為先鋒都指揮使。統兵十萬以伐之。彬等辭朝將行。太祖戒諭之說。江南軍旅之事。一切都委任于卿。切不可恣為暴虐。殺掠生民。務要廣布朝廷威德信義。使其自然歸順。不須急圖成功。只務攻擊也。既又丁寧之說。李煜無

道暴虐其民。我遣汝征之。本為救此一方人。性命。城破之日。切不可殺戮平民。設使李煜不降。擁兵困鬪。罪雖難赦。情亦可憐。則煜一門家口。務要保全。不可殺害。太祖既囑付曹彬了。又以一口劍授之。說道。大將有權。然後朝廷恩威得行。今以此劍與你。凡副將以下。有不遵號令者。並許先斬。後奏。潘美等正是副將。聞之。皆悚懼失色。無不遵奉號令者。先是王全斌平蜀之時。縱兵擄掠。多殺生命。上每以為恨。以曹彬素性仁厚。故專任以江南之事焉。其後曹彬下江南。不妄殺一人。李煜既降。待之極有禮。固彬之能奉行德意。亦太祖之仁恩及于無窮也。

一日罷朝。坐使殿。不樂者久之。右請其故曰。

同開諸門此如我

爾謂為天子容易邪。早作乘快。誤決一事故。不樂耳。嘗宴近臣紫雲樓下。因論及民事。謂宰相曰。愚下之民。雖不分菽麥。藩侯不為撫養。務行苛虐。朕斷不容之。京城新宮成。御正殿坐。令洞開諸門。皆端直軒豁。無有壅蔽。因謂左右曰。此如我心。少有邪曲。人皆見之矣。

太祖一日視朝畢。退坐於便殿中。怏怏有不樂之色。如此者久之。左右請問其故。太祖說汝等見天子尊榮。只說這皇帝是容易做的。不知為君者。日臨萬幾。事事當理。心裏纔放



得下。朕早開臨朝。有一事不及深思。乘着一時快意。輕率就處分了。遂致差誤。即今悔之無及。是以不樂。可見做天子甚不易也。太祖又嘗宴近臣於紫雲樓下。因論及民間疾苦的事。乃諭宰相說。那田野小民。雖有愚蠢無知。不能辨菽與麥的。也都是朝廷的赤子。藩侯專制一方。民命所關。若不為朝廷撫字愛養。務行苛虐之政。嚴刑暴斂。使小民無所控訴。朕決當盡法處之。斷不姑容也。又京城宮殿新成。太祖御正殿坐。令前面洞開諸門。望之皆端直軒豁。無有壅塞遮蔽處。因謂左右說。這門庭正直光明。容不得一些邪曲。恰似我心一般。少有一毫邪曲。人皆得而見之。無所逃蔽矣。按太祖創業之初。憂勤惕勵。惟恐一事之誤。致萬幾之叢。一民之困。始四海之怨咨。故其言之懇切如此。至於心無邪曲。

之一言。尤為知本之論。為事為民。皆由此出。漢唐諸君所不能道也。其身致太平。而開有宋三百年之業。宜哉。

又嘗謂宰相薛居正等曰。古之為君。鮮能正心。自致無過之地。朕嘗夙夜畏懼。防非窒慾。庶幾以德化人之義。如唐太宗受人諫疏。直詆其失。曾不愧耻。豈若不為之而使下無間言哉。

太祖又曾與宰相薛居正等說。君心乃萬化之原。心正而後身修。身修而後天下國家可理也。朕觀自古為君的。少有能正其心。而自致於無過之地者。朕為此故。早夜不寧。悚然

畏懼。惟恐此心一為非僻所干。則救之無及。必乘其未發而防範之。恐此心一為嗜慾所蔽。則攻之甚難。必及其未行而窒塞之。欲以先正其心。立於無過。以庶幾古帝王以德化人之義耳。若唐太宗天性高明。不護己短。受人諫諍之疏。雖至於直言相詆。以彰其失也。欣然受之。而不愧耻。人皆稱之。然以朕觀之。與其既為不善而後更改。孰若防之於微。而不為不善。使上無失德。而下無間言。豈不更為勝哉。蓋人君一有過失。雖即改之。所損已多。唐太宗雖能改過。而不求無過。故太祖譏之如此。但人非聖賢。不能無過。喜聞其過。則其過將日寡矣。自謂無過。則其過將日積矣。夏禹懸鐘鼓鐸磬。以求四方之言。而興周厲王使衛巫監謗。道路以目而亡。然則唐太宗之樂聞直諫。亦自不可及。此又明主之所當

也

### 太宗皇帝

名匡義。是太祖之弟。在位二十二年。

太宗思  
振淹滯

太平興國二年春正月。宴貢士于開寶寺。帝思振淹滯。謂侍臣曰。朕欲博求俊彥於科場中。非敢望拔十得五。止得一二。亦可為致治之具矣。及親試舉人。閱其十舉至十五舉者。百二十人。并進士呂蒙正以下一百九人。諸科二百七人。

錫宴詩  
章謝表

并賜及第。又詔禮部閱其十五舉以上進士及諸科一百八十四人，並賜出身。又九經七人不中格，帝憐其老，特賜同三傳出身。凡五百餘人，皆賜綠袍、鞞、笏。錫宴自為詩二章賜之。

宋初取士，有進士科、試詩、武、論、策，有諸科、試九經、五經、開元禮、三史、三禮、三傳、學究、明經、明法、九件，以其各習一科，所以叫做諸科。皆一年一舉，由本州取送禮部。禮部考試中式者，列名放榜，賜及第出身。有差，史臣記太宗位太平，與國二年春正月，初開科取士。諸貢士中式者，皆賜宴于開寶寺中。此時內外衙門缺官甚多，皆須選補。又恐士子有久淹

不得進用者，思振拔而用之，乃論待。說用人之道，求之貴廣，選之貴精。然不博求，則無以為精選之地。朕欲廣收天下才俊，美彥之士於科場中，不敢望取拔十人，便有五人可用，只得十人之中，有一二真才實學，替國家幹事的人，亦足為致治之具矣。至是親覆試舉人於講武殿，閱貢籍，留經十舉至十五舉者，得一百二十人，并進士呂蒙正以下一百九人，諸科二百七人。金賜及第，又詔禮部檢閱其年深至十五舉以上的進士及諸科，共得一百八十四人，並賜同本科出身。又九經中有七人不中式，例該發回。太宗憐其久困場屋，老而無成，也都收錄，特賜同三傳出。身。前此進士諸科，每一舉總不過百人。這次所舉共有五百餘人，皆賜綠袍、鞞、笏。錫宴於開寶寺。太宗又自為詩二章以賜之。恩禮

卷之二十四

之盛。前時所未有也。然此時當開國之初。在野賢才。未得盡用。故太宗廣收博取。特加恩賜。以寵異之。所以網羅豪傑。開其進用之路也。若承平日久。士習已定。則又當慎選舉。精鑒別。以羅真材。儻令不中格者。皆得以淹滯見收。則濫進之門啓。僥倖之途多。掄才取士之典。輕矣。此又用人者所當知。

初太祖幸洛。張齊賢以布衣獻策。條陳十事。內四說稱旨。齊賢堅執以為皆善。太祖怒。令拽出之。及還。語帝曰。我幸西都。惟得一張齊賢耳。我不欲官之。他日可使輔汝為相也。至是齊賢亦

一榜及第

在選中。有司失於掄擇。寘於下第。帝不悅。故一榜盡賜及第。特與京官通判。

宋時以洛陽為西都。即今河南府地方。布衣。走白身無官職的人。先是太祖行幸洛陽。有箇布衣之士。叫做張齊賢。獻策于太祖。條陳十件事。一件伐北漢以取并汾。一件富百姓以固國本。一件廣封建以藩本支。一件敦孝行以廣至德。一件舉賢能以備任使。一件興太學以養人才。一件親籍田以勸農桑。一件選良吏以興教化。一件懲姦惡以正風俗。一件謹刑罰以重民命。十事之中。太祖只取他都好。太祖怒其不遜。令武士扯出去。及回鑾到京。與太宗說。朕昨行幸西都。他無所得。但

得一箇賢士。叫做張齊賢。此人有經濟大才。但我要摧折他的英氣。不與之官。留在他日。待你做皇帝時。可使輔佐汝做宰相。致太平也。太宗牢記在心。到這年開科選士。齊賢也來。應舉。考官一時失於選擇。將他名列於下等。不在取中人數。太宗見之不悅。特命一榜裏百。不分上下。盡賜及第。故齊賢也得入選。又特與他做大理評事。以京官職銜通判衡州。宋時通判。職任最重。進士及第在高等者。乃得除授此官。張齊賢甲第在後。而選授獨優。蓋太宗遵太祖之命。欲大用之也。其後齊賢果能慷慨任事。為一代名臣。亦可謂不負所舉矣。

五月吳越王錢俶以其地歸封俶為淮海國王。

會陳洪進納土而懼。上表乞罷。所封吳越國王歸其甲兵。求還。帝不許。俶乃籍境內十三州。一軍八十六縣。戶五十五萬六千八百八十。兵一十一萬五千三十六。獻之。帝御崇元殿受之。俶朝退。將佐始知之。皆慟哭曰。吾王不歸矣。帝以淮南節度管內為淮海國。封俶為王。俶弟儀信並觀察使。俶子惟濬。惟治。並節度使。惟演。惟灝。及族屬僚佐。授官有差。又授其將校孫承祐。沈承

禮並為節度使賜賚待遇冠絕當時

太平興國三年五月吳越王錢俶以其地來歸太宗詔封為淮海國王史臣因叙說錢俶之祖名錢鏐浙之臨安人也當五代時起於販鹽據有吳越之地自稱吳越王傳至錢俶遇宋太祖之興俶知天命有歸遂稱臣奉真執禮甚恭然其土地尚未入於版圖至是來朝京師適值平海節度使陳洪進以漳泉二州來獻俶心中恐懼乃上表乞罷所封吳越國王納其甲兵水還本土太宗初不許俶乃造冊開載所管十三州一軍八十六縣戶五十五萬六千八百八十一萬五千三十六人盡數獻於朝廷太宗嘉其誠款特御崇元殿受之初時俶欲納土歸順恐他手下將佐不從因此不着衆人知道只自以已意獻

上及朝退將佐始知之皆慟哭說吾王已身身於朝自今不復歸國矣太宗既受其獻乃以淮海節度使所管地方為淮海國改封俶為淮海王俶弟儀信並授觀察使俶子惟濟惟治並節度使惟演惟灝及族屬僚佐各授官有差又推及其將校孫承祐沈承禮並授為節度使凡賞賜物件及接待禮貌都極其隆盛冠絕於一時焉按是時宋一統之業已成負固如北漢者猶欲以孤壘自全使王師累出誅戮無辜而俶獨能保全一方以歸於宋不致血刃非但忠順可嘉抑亦有仁者之功矣此史氏所以特書之歟

帝既還京議者皆言宜速取幽薊張齊賢上疏其略曰聖人舉事動在萬全百戰百勝不若不

聖人舉事動在萬全

家六合  
者以天  
下為心  
聖人安  
內以養  
外

戰而勝。若重之謹之。戎虜不足吞。燕薊不足取。自古疆場之難。非盡由戎狄。亦多邊吏擾而致之。若緣邊諸寨。撫御得人。但使峻壘深溝。畜力養銳。以逸自處。寧我致人。所謂擇卒未如擇將。任力不及任人。如是則邊鄙寧而河北之民獲休息矣。臣又聞家六合者。以天下為心。豈止爭尺寸之土角。戎狄之勢而已。是故聖人先本而後末。安內以養外。是知五帝三王。未有不先根

帝王先  
根本  
堯舜廣  
推恩於  
天下

本者也。堯舜之道無他。廣推恩於天下之民爾。推恩者何在。平安而利之。民既安利。則戎狄歛衽而至矣。

幽。是幽州。薊。是薊州。卽今順天府地方。此時為北虜遼人所據。太宗既平定天下。要復中國舊境。自將伐遼。為遼將耶律休哥所扼。不能成功。至是班師還京。一時獻議者皆言。今中國士馬方盛。宜及時進兵。急取幽薊地方。張齊賢度。量時勢未可。乃上疏諫之。大略說。聖人舉事。動必求其萬全。不敢徼倖以成功。故百戰而百勝。猶為徼倖。非萬全也。不若不戰而自勝。先立於不敗之地。而坐收其功。此為上策也。陛下若能重之謹之。憂勤圖治。則

國富兵強。在我者有餘力。而戎虜不足吞。燕  
薊不足取矣。自古邊境之患。豈都起于夷狄。  
也多因邊吏騷擾生事。致開釁端。若使沿邊  
一帶諸寨。選用良吏。撫御有方。只教他高築  
墩臺。深掘濠塹。休兵息馬。畜力養銳。以逸自  
處。而待敵人之勞。寧我致人。而不爲人所致。  
這正是古人所謂揀精兵。不如擇良將。靠一  
已的膂力。不如集衆人的謀勇。能如是。則邊  
方寧靜。而河北之民。可得休息矣。今乃計不  
出此。而欲與之角勝於疆場。幸功於難必。非  
所謂不戰而勝。萬全之策也。臣又聞之。天子  
以六合爲一家。則當兼容並蓄。以天下爲心。  
豈止於爭尺寸之土。以爲廣角。戎狄之勢。以  
爲強而已哉。是故聖人之治天下。以保安人  
民爲本。以制服夷狄爲末。以中國爲內。而務  
求安定。以夷狄爲外。而聽其自生。五帝三王

未有先圖根本。愛養生民。而可以建太平  
之業者也。堯舜之道。豈有他術。只是推廣此  
心之仁恩。以及于天下之民而已。其所謂推  
恩。只在安全而利養之。使無死亡窮苦之患。  
民旣安利。則德之所施者博。而威之所制者  
遠。戎狄之人。自將慕德歸義。歛衽而來朝矣。  
何用興師動衆以伐之哉。齊賢此疏。可謂深  
知治本。惜乎太宗不能從。以致曹彬一敗于  
岐溝。楊業再敗于陳家谷。後雖悔之。  
亦無及矣。圖邊事者宜三復此疏焉。

十一月。以宋琪。李昉。平章事。李穆。呂蒙正。李至。  
參知政事。張齊賢。王沔。同簽署樞密院事。帝謂  
琪等曰。世之治亂。在賞當其功。罰當其罪。卽無



不治。謂爲飾喜怒之具。卽無不亂。卿等慎之。又謂蒙正曰。凡士未達。見當世之務戾于理者。則快快於心。及列於位。得以獻可替否。當盡其所蘊言。雖未必盡中。亦當僉議而更之。俾協於道。朕固不以崇高自恃。使人不敢言也。

參知政事。是下宰相一等。參預朝政的官。樞密院。是掌管軍機戎務的衙門。太平興國八年十一月。太宗以參知政事宋琪。李昉。同平章事。知開封府李穆。翰林學士呂蒙正。李至。參知政事。右補闕張齊賢。大理評事王沔。同僉書樞密院事。太宗旣簡用此數人。擢居要

職。因諭宋琪等說。自古君臣相與。莫不欲長治而無亂。然世之治亂無他。惟視廟堂之賞罰。何如耳。誠能於有功者賞之。或厚或薄。各當其功。於有罪者罰之。或重或輕。各當其罪。則賞罰出於天下之公。人心自然悅服。而天下治矣。若以賞爲飾喜之具。任着一時喜歡。卽便行賞。不論他功之何如。以罰爲飾怒之具。任着一時惱怒。卽便行罰。不論他罪之何如。則賞罰出於一人之私。人心莫不憤怨。而天下亂矣。一賞一罰。關係之大如此。卿等職居政府。凡於賞罰之施。切宜詳慎。不可徇私滅公。以爲基亂之地也。又諭呂蒙正說。凡士當窮居未遇之時。見當世政務。有一差失。不合於理。卽鬱鬱不滿於心。思欲盡言而無其路。及列於位。居可言之時。得以獻納其可替。發其否。却又避諱不言。豈不自負其志。自今

朝政有關。卿等當竭其底蘊。為朕言之。所言的雖未必句句切中。亦可因而講求。大家商議而改之。使合於道理。朕固不敢自負其崇高之位。使人隔絕而不言也。夫上無鑑別之明。則賞日僭而刑日濫。朝無諫諍之士。則臣日諂而君日驕。國之禍亂。恒必由之。此太宗所以惓惓于諸臣也。然惟人主之心公。則臣下自不敢私。而賞罰必當矣。人主之心虛。則臣下自無所隱。而過失必聞矣。是又未可專責之臣也。願治者宜加意焉。

以呂文仲為翰林侍讀。王著為侍書。帝勤於讀書。自巳至申。然後釋卷。詔史館修太平御覽一千卷。日進三卷。宋琪以勞瘁為諫。帝曰。開卷有

益。不為勞也。朕欲周歲讀遍。是書耳。每暇日。則問文仲以經義。著以筆法。葛湍以字學。

太宗九年。以呂文仲為翰林院侍讀。王著為侍書。太宗天性好學。勤于讀書。每日自巳時朝退之後。即覽觀書史。直到申時方纔放下書卷。又特詔開館。命翰林學士李昉等。將前代書籍。分類編輯。為書。以資博識。書成。叫做太平御覽。總計一千卷。太宗自立書程。每日進讀三卷。宰相宋琪恐誦讀太勤。聖躬勞瘁。請少休息。太宗說。朕每一開卷。便覺聰明啓發。日有進益。心裏喜好在此。自不知其為勞苦也。朕所以每日限讀三卷者。欲以周年之力。讀遍此千卷書耳。其勤學如此。每於萬幾之暇。則問呂文仲以六經中有不

通曉的文義。又問王著以真草篆隸等用筆之法。問葛湍以點畫聲音等字學之法。太抵人主之情。必有所好。或好酒色。或好狗馬。或好田獵。或好遊宴。或好財利。皆足以戕生伐性。敗德喪身。惟好讀書寫字。則有益於身心。有裨於治理。故自古英君聖主。莫不留意焉。宋太宗以創業之主。猶孜孜問學。如此。况繼體守成者。可不勉哉。

雍熙元年春正月。詔求遺書。帝謂侍臣曰。教化之本。治亂之原。苟無書籍。何以取法。今三館所貯遺帙尚多。乃詔募中外。有以書來。上及三百卷。當議甄錄。酬獎餘第。卷帙之數。等級優賜。不

願送官者。借其本寫之。由是四方之書聞出矣。

宋時於禁中建昭文館。史館。集賢院。叫做三館。雍熙元年春正月。太宗性好讀書。手不釋卷。常以五代兵火之後。書多遺失。乃下詔求遺書於四方。因謂侍臣說。自古及今。君天下者。非一人矣。其教化所出。必有箇根本。治亂所由。必有箇原始。世遠人遐。全靠那書籍上記載得明白。後世得以稽考。有所取法。若沒了書籍。則千百世之下。雖欲知其本原。亦何從尋討。而取以爲法哉。今三館所貯之書。遺失者尚多。不足以備參考。這是國家一闕典。乃詔募中外士庶之家。有以所藏書來獻。多至三百卷者。特議紀錄。旌獎以酬之。其餘三百卷以下。量其卷帙之多寡。分爲等級。優加賞賜。若有愛惜珍藏。不願將書送官者。但借

其書抄之。仍以原本發還。詔下之後。中外人家。但有遺書者。都來獻上。於是四方之書。聞出。而古今載籍。盡歸四庫矣。大抵物常聚於所好。人主好珠玉。則珠玉至。好滄巧。則滄巧之物至。太宗好書籍。而四方之書聚於冊府。於以開一代文運之盛焉。可謂好得其正矣。三月。以楊延慶等為知州。帝謂宰相曰。刺史之任。最為親民。苟非其人。民受其禍。昔秦彭守潁州。教化大行。境內祥瑞。宋琪曰。秦彭一郡守。政善。而天應之若此。况君天下者乎。

刺史。即州太守。雍熙元年三月。太宗選擇守臣。以楊延慶等十餘人為各處知州。太宗因

諭宰相說。朝廷設官分職。本以為民。然惟朝史之任。與那百姓每。最為親近。必須有才力。有操守。實心愛民的。方為稱職。儻誤用不才的人。貪賊壞法。那百姓每。被其虐害。負屈含冤。莫可控訴。其禍可勝言哉。昔後漢時。有秦彭做潁州太守。他能興利除害。為百姓造福。教化大行。致令所屬地方。有鳳凰麒麟嘉禾。甘露等諸般祥瑞。可見做好官的。上天也未嘗不昭鑒也。宋琪因奏說。秦彭一太守耳。政善民安。天且悉之以祥瑞如此。况於君天下者。若能奉天子民。使海內乂安。則諸福之物。可致之祥。莫不畢至矣。豈止一郡之福而已哉。夫天下郡縣至多。民間利病。朝廷豈能悉知。得一良牧。則一郡生靈受其福。否則一郡生靈受其害。所係誠不小也。然須朝廷加意鼓舞。重循良之選。峻貪酷之罰。甄別不差。然

後人人盡力。自古明君未嘗不操此術而治者也。圖治者宜留意焉。

以趙普為太保兼侍中。呂蒙正平章事。王沔參知政事。張宏為樞密副使。楊守一簽書樞密院事。帝諭普曰。卿勿以權勢自驕。但能謹法度。舉賢能。明賞罰。弭愛憎。何憂不治。卿勿面從。古人恥其君不為堯舜。卿其念哉。蒙正質厚寬簡。有重望。以正道自持。遇事敢言。每論時政。有未允者。必固稱不可。帝嘉其無隱。普開國元老。蒙正

古人恥其君為堯舜

堯舜

蒙正無

### 以後進同相位普雅重之

太宗既復趙普相位。乃加普為太保兼侍中。又拜呂蒙正同平章事。與普共理機務。以王沔參知政事。召成都鎮撫使張宏還京。為樞密副使。以翰林學士楊守一簽書樞密院事。太宗諭趙普說。凡人有權勢的。不期驕而自驕。卿位極人臣。權勢已盛。正宜持正守謙。慎勿以此驕恣。但能謹守國家法度。薦舉天下賢能。明賞罰之典。以布公道。克愛憎之私。以定取舍。則相業光明。人心悅服。天下何憂不治。至於朕之所行。或有未當。卿宜即時救正。不可面前曲從。以成朕過。古人愛其君。必欲使之為堯舜。若其君不知堯舜。則引為已責而耻之。此正卿今日之事也。卿其念之哉。此時呂蒙正同在政府。其為人質實厚重。寬

大簡默時論翕然重之。平素以正道自守。不肯阿旨取容。遇國家政事。該說的便說。無所避諱。每論時政。或太宗不能聽從。卽再三執奏。反覆明其不可。必求依允而後已。太宗見其無隱。每嘉納之。當是時。趙普乃開國元老。勲名齒爵。舉朝無與爲比。蒙正以後進之士。同居相位。普絕無忌刻。常稱他是台輔之器。甚加敬重。有濟濟謙讓之風焉。夫惟明君爲能擇相。惟大臣爲能有容。太宗復相趙普。不忘耆舊。而又以蒙正之正直者參之。可謂善釋相矣。普以開國元勳。推獎後進。畧無嫌疑。有古大臣休休之度焉。其相與以致太平也。不亦宜哉。

夏四月。以張齊賢。陳恕。參知政事。張遜。溫仲舒。

寇準爲樞密副使。初。準爲樞密直學士。嘗奏事殿中。語不合。帝怒起。準輒引帝衣。請復坐。事決乃退。帝嘉之。曰。朕得寇準。猶文皇之得魏徵也。及旱蝗。帝召近臣問以得失。衆以天數對。準曰。洪範天人之際。應若影響。大旱之證。蓋刑有所不平也。帝怒起入禁中。頃之。復召問以不平狀。準請召二府至而言之。於是以準爲可大任。故有是命。

寇準可  
天任

淳化二年夏四月。太宗命張齊賢。陳恕為參知政事。張遜。溫仲舒。寇準為樞密院副使。先是寇準為樞密院直學士。一日嘗奏事於殿中。準所言與上意不合。太宗惱怒而起。寇準就扯住太宗的袍服。請還御座。將所奏的事。裁決停當。方纔退去。太宗乃嘉獎之。說朕今日得寇準。就如唐太宗得魏徵一般。昔太宗每有關失。魏徵即犯顏苦諫。雖遇太宗怒甚。而神色不移。今準能直諫。亦朕之魏徵矣。及是年天旱蝗起。太宗召近臣。問以時政得失。衆皆阿諛。不敢正言。都對說。是天數如此。不關人事。獨寇準奏說。周書洪範篇中。論人天之際。有感必應。如影之隨形。響之應聲。無有差忒。今歲方大旱。論其徵。應當是刑獄有所不平。蓋匹夫含冤。上干天地之和。故致如此。此時太宗常留意刑獄。每親日審錄囚犯。見

說他刑獄不平。不覺發怒。起入禁中。少頃。又召問準。卿說刑獄不平。有何指實。準請宣中書省樞密院官到來。奏陳刑獄不平之狀。於是太宗以寇準忠直任事。可以大用。故有樞密副使之命焉。大凡人臣阿諛苟容者多。剛直敢言者少。此非獨人才之難。亦上之人好軟熟而惡方正。以致如此。彼魏徵與寇準論事。常犯人主之怒。然二君皆能屈己以從之。故功烈垂于二代。俱稱太宗。不亦宜乎。願治之主。幸毋踈骨鯁之臣可也。

夏五月。以張洎。錢若水為翰林學士。帝謂侍臣曰。學士之職。清要貴重。非他官可比。朕常恨不得為。又曰。士之學古入官。遭時得位。紆朱拖紫。

學士之職清要貴重

前呼後擁。延賞宗族。足以爲榮矣。豈得不竭誠以報國乎。若水對曰。高尚之士。固不以名位爲光寵。忠正之士。亦不以窮達易志操。其或以爵祿榮遇之。故而效忠於上。中人以下者之所爲也。帝然之。

淳化四年夏五月。太宗以中書舍人張洎職方員外郎。錢若水爲翰林學士。太宗因論侍臣說翰林學士地居禁近。職在論思。最爲清要。而貴重。非他官可比。朕今雖貴爲天子。然常以不得做這官爲恨。卿等須自己愛重。勉圖稱塞。不可徒取清華。致負此官。批。又說士

在草野之中。與平民無異。一旦應舉出仕。遭逢明時。致位通顯。穿着朱衣。拖着紫綬。前徒呵呼。後人簇擁。又廕及其宗族子弟。並受國恩。書生之榮。可謂極矣。豈得不竭其誠。惓以報知遇乎。若水對說。陛下所言。固是。臣子之分。然臣之報君。實有不係於此者。彼恬退高潔之士。爵祿不入於心。雖寵之以名位。固不以是爲光榮。秉忠守正之士。忠義根於天性。雖所遇有窮通。亦不以是而變其志操。一則不可以爵祿拘。一則不必以爵祿勸。可見爵祿者。乃上之所以厚下。而非下之所由以爲忠者也。加或以爵祿榮遇之。故然後效忠於上。則其心必不純。其忠必不固。不過中人以下者之并爲耳。豈可槩望之諸臣乎。太宗深以其言爲是。然天性忠義。不因爵祿而後勸者。上臣也。千百中無一焉。人君之治天下。如





必待上臣而後任之。則天工之曠廢者多矣。若木之言。雖人臣自靖之道。而非明君馭下之術也。明主之所以馭臣。有德而後爵之。有功而後祿之。官不及私昵。爵同及惡德。而人臣之事君也。量能而後受官。度德而後居位。不以無德而尸位。不以無功而冒賞。斯百王不易之道也。

夏四月。呂蒙正。柴禹錫。蘇易簡罷。蒙正在中書。帝嘗欲遣人使朔方。論中書選才而可責以事者。蒙正以名上。帝不許。他日三問蒙正。三以其人對。帝曰。卿何執耶。蒙正對曰。臣非執。蓋陛下

不諒耳。因稱其人可使。餘人不及。臣不欲用。媚道。妄隨人主意。以害國事。同列竦息。不敢動。帝退。謂左右曰。蒙正氣量。我不如。既而卒用其人。果稱職。及罷。相判河南。日引親舊於林園歡宴。政尚寬簡。委任僚屬。事多總裁而已。

太宗至道元年夏四月。平章事呂蒙正。知樞密院事柴禹錫。叅知政事蘇易簡。俱罷。相不與政事。史臣因記呂蒙正在中書為宰相時。太宗曾要遣人奉使於朔方遼國。論宰相。擇群臣中素有才幹。可使外國者。以聞。蒙正因擇一人。以其名奏上。太宗以為不稱。不許。他

蒙正器  
量我不  
知

日三次問蒙正。蒙正三次只將此人奏上。再不改易。太宗說。卿何如此固執。全無變通耶。蒙正對說。臣非固執不通。蓋因陛下未諒臣之心耳。固備道此人。素有才識。堪以奉使。除了此人。別的都不及他。夫人臣之義。當以忠誠正直事其君。是就說是。非就說非。寧可一時違拂上意。不可誤國家的大事。若讒媚邪佞。只順着人主的意思。要用便用。要舍便舍。以求取悅於一時。萬一舉措失宜。誤國債事。則其罪愈大。此臣之所不敢爲也。此時同僚官皆竦息。畏懼不敢動。而蒙正慷慨直言。略無回互。太宗退朝。與左右說。蒙正氣量凝厚。真有擔當。朕也及他不得。既而竟用此人。果然稱職。可見蒙正知人之明。與其謀國之當。事君之誠如此。及至罷相。以右僕射山判河南府。河南是蒙正本貫地方。每日只引親戚

故舊於林園之中。歡宴叙情。爲政不務苛細。只尚寬大簡易。擇僚屬中可用者。委任以事。已則總裁其大綱而已。夫抵天下之事。當以天下之心處之。故委任賢臣。所以審圖國是。若但以人主之意。裁決。必不能盡究天下事理之極。雖攬獨斷之權。實生意外之慮矣。此呂蒙正不欲妄隨人主意。以誤國事也。而其治河南。委任僚屬。意亦如此。太宗始雖未諒。終至信服。亦可謂英哲之主矣。

通鑑直解卷之二十四

音釋

遂

音遂窮也

綴

音墜聯也

斌

音彬文質貌亦作邠

邨

音

賑

音幣毛市也

墜

音浴火燬也

華

音靴履也

灝

音

浩

音

鏐

音流紫磨金也

汚

音酒水名出武都垣縣東南入江又寸池州名

帙

音直

小

音

直

音

直


表也

頰

音影水名州名

頰

又音窮



卷之二十四

Vertical columns of faded text, likely bleed-through from the reverse side of the page.



享和辛酉

